



**VLADA  
HERCEGOVAČKO – NERETVANSKOG  
KANTONA**



Javno preduzeće \_\_\_\_\_  
**ELEKTROPRIVREDA BOSNE I HERCEGOVINE**  
\_\_\_\_\_ d.d. - Sarajevo

**U G O V O R**

**O**

**KONCESIJI**

**Mostar, mart 2011.**

Na osnovu Odluke Vlade Hercegovačko – neretvanskog kantona o dodjeli koncesije JP Elektroprivreda Bosne i Hercegovine d.d. Sarajevo za korištenje građevinskog zemljišta na platou Podveležja na području Grada Mostara u cilju izgradnje i korištenja vjetroelektrana, broj: 01-1-02-55/11 od 17.01.2011. godine, te na osnovu člana 32. Zakona o koncesijama („Službene novine HNK“, broj: 2/03, 1/06)

**VLADA HERCEGOVAČKO - NERETVANSKOG KANTONA** (u daljem tekstu: Koncesor), sa sjedištem u Mostaru, Stjepana Radića 3, identifikacijski broj Vlade: I.D. 4227310410003, koju zastupa Ministar privrede Hercegovačko - neretvanskog kantona Esad Humo

i

**Javno preduzeće ELEKTROPRIVREDA BOSNE I HERCEGOVINE d.d.-Sarajevo**, sa sjedištem u Sarajevu, Vilsonovo šetalište 15, identifikacijski broj društva: I.D. 200225150005, koje zastupaju Generalni direktor društva Amer Jerlagić i v.d. Izvršni direktor za ekonomske poslove Muhamed Ražanica (u daljem tekstu: Koncesionar),

dana 11.03. 2011. godine, sklopili su

**U G O V O R**

**o**

**k o n c e s i j i**

## **1. PREDMET UGOVORA**

### **Član 1.**

- 1.1. Ovim ugovorom (u daljem tekstu Ugovor), Koncesor daje, a Koncesionar preuzima pravo na korištenje 16 (šesnaest) lokacija građevinskog zemljišta, svaka površine 900 m<sup>2</sup>, koje su pobliže definisane Odlukom Vlade HNK o pristupanju dodjeli koncesije („Službene novine HNK“, broj: 5/10), za izgradnju i rad 16 vjetroagregata u svrhu proizvodnje električne energije unutar područja visoravni Podvelež, na teritoriji Grada Mostara.
- 1.2. Koncesiono područje je pobliže definisano kako slijedi:
- Lokacija br. 01., k.č. 61/1 dio (13/1 ) K.O. Opine Gornje;
  - Lokacija br. 02., k.č. 4/1 dio (849 dio) K.O. Vrapčići;
  - Lokacija br. 03., k.č. 8/1 dio (392 dio) K.O. Dobrč;
  - Lokacija br. 04., k.č. 8/1 dio (392 dio) K.O. Dobrč;
  - Lokacija br. 05., k.č. 8/1 dio (392 dio) K.O. Dobrč;
  - Lokacija br. 06., k.č. 1020/1 dio (1294/1 dio) K.O. Gnojnice Gornje;
  - Lokacija br. 07., k.č. 61/1 dio (13/1 dio) K.O. Opine Gornje;
  - Lokacija br. 08., k.č. 61/1 dio (13/1 dio) K.O. Opine Gornje;
  - Lokacija br. 09., k.č. 61/1 dio (13/1 dio) K.O. Opine Gornje;
  - Lokacija br. 10., k.č. 61/1 dio (13/1 dio) K.O. Opine Gornje;
  - Lokacija br. 11., k.č. 61/1 dio (13/1 dio) K.O. Opine Gornje;
  - Lokacija br. 12., k.č. 61/1 dio (13/1 dio) K.O. Opine Gornje;
  - Lokacija br. 13., k.č. 61/1 dio (13/1 dio) K.O. Opine Gornje;
  - Lokacija br. 14., k.č. 1020/1 dio (1294/1 dio) K.O. Gnojnice Gornje;
  - Lokacija br. 15., k.č. 61/1 dio (46 dio i 47 dio) K.O. Opine Gornje;
  - Lokacija br. 16., k.č. 61/1 dio (46 dio) K.O. Opine Gornje.
- 1.3. Imajući u vidu da pri implementaciji projekta može doći do odstupanja od Urbanističko-tehničkih uslova i Glavnog građevinskog projekta, posebno sa aspekta tehničkog razvoja vjetroagregata i prateće opreme ili realizacije radova, Ugovorne strane se slažu da se može izvršiti optimizacija detaljnog plana izgradnje, a sve uz saglasnost Koncesora.
- 1.4. Ovaj Ugovor nije dovoljan da bi Koncesionar mogao pristupiti izgradnji i pokretanju vjetroagregata na predmetnom lokalitetu, te će Koncesionar u svrhu realizacije ovog Ugovora pribaviti sve propisane odgovarajuće dozvole i odobrenja od nadležnih organa.
- 1.5. U toku trajanja koncesionog perioda, Koncesor neće na lokalitetu vjetroparka dozvoliti gradnju ili upotrebu zemljišta trećim stranama na način kojim bi se mogao ugroziti rad vjetroparka.

## **2. GARANCIJA DA ĆE PROJEKAT BITI IZVEDEN**

### **Član 2.**

- 2.1. Kao garancija da će u cijelosti izvršiti obaveze iz Ugovora, Koncesionar je
-

predao Koncesoru безусловnu bankovnu garanciju br. 27694/10 izdatu od FIMA BANKA d.d. Sarajevo, koja iznosi 1,5% od ukupne investicije projekta i vrijedit će 5 (pet) godina od dana stupanja na snagu Ugovora.

- 2.2. Ukoliko Koncesionar u cijelosti ne izvrši obaveze iz Ugovora, Koncesor će, u skladu sa odredbama Ugovora, raskinuti Ugovor i aktivirati bankovnu garanciju.

### **3. IMPLEMENTACIJA PROJEKTA**

#### **Član 3.**

- 3.1. Implementacija Projekta se predviđa u dvije različite faze kako slijedi:
- a) Faza I Projekta - pribavljanje potrebne tehničke dokumentacije iz člana 4.3. Ugovora, kao i ostale dokumentacije neophodne za nesmetanu realizaciju Projekta, građevinski i drugi radovi, te izgradnja i puštanje u pogon 2 (dva) vjetroagregata minimalne pojedinačne snage 2 MW;
  - b) Faza II Projekta - izgradnja i puštanje u pogon 14 (četrnaest) vjetroagregata minimalne pojedinačne snage 2 MW.
- 3.2. Krajnji rok za završetak Faze I Projekta je 31.12.2011. godine, a krajnji rok za završetak Faze II Projekta je 30.06.2013. godine.
- 3.3. Završetkom pojedinih faza Projekta se smatra dobijanje upotrebnih dozvola, o čemu će Koncesionar Koncesora obavijestiti u roku od 15 (petnaest) dana od dana dobijanja predmetnih dozvola.
- 3.4. Rokovi Plana realizacije cijelog Projekta dati su u Prilogu broj 1. (Termin plan realizacije projekta) Ugovora i predstavljaju njegov sastavni dio.

#### **Član 4.**

- 4.1. Koncesionar će riješiti imovinsko-pravne odnose na predmetnom zemljištu u roku od 6 mjeseci od dana stupanja na snagu Ugovora.
- 4.2. Koncesionar je dužan, organu za nadzor nad provođenjem Ugovora, prije započinjanja izvođenja građevinskih i drugih radova Faze I Projekta, dostaviti:
- glavni izvedbeni projekat
  - prethodne dozvole za građenje za energetska postrojenja
  - pravomoćno Rješenje o dozvoli građenja
- 4.3. Koncesionar će pribaviti svu ostalu dokumentaciju neophodnu za realizaciju Projekta.
- 4.4. U slučaju da se Faza I i Faza II Projekta nisu mogle izvršiti u ugovorenom roku iz razloga više sile (*vis maior*) iz člana 25. Ugovora, rok za završetak pojedinih faza Projekta će se produžiti za period djelovanja više sile.
- 4.5. Koncesor se obavezuje da će, na uredan zahtjev Koncesionara, blagovremeno izdati sve potrebne upravne akte iz svoje nadležnosti.
- 4.6. Rokovi navedeni u članu 3. i članu 4. Ugovora mogu biti produženi uz saglasnost

ugovornih strana.

#### **Član 5.**

- 5.1. Troškovi pribavljanja dokumentacije navedene u članu 4. Ugovora, te ishođenja ostalih eventualnih dokumenata, padaju na teret Koncesionara.

#### **Član 6.**

- 6.1. Za vrijeme trajanja koncesionog odnosa Koncesor se obavezuje da neće podatke i dokumentaciju, dobijene od strane Koncesionara, stavljati na uvid trećim osobama, odnosno da u pogledu istih stranke ugovaraju zaštitu podataka.

### **4. OSTALE OBAVEZE**

#### **Član 7.**

- 7.1. Koncesionar će zadovoljiti uslove navedene u tački V Pozitivnog mišljenja br. 01-02-11/07 koje je donijelo Gradsko vijeće Grada Mostara, 15.02.2007. kako slijedi:  
Najkasnije u roku od 15 dana od dana stupanja na snagu Ugovora Koncesionar će, na ime realizacije namjenskih projekata lokalne zajednice na Podveležju, jednokratno uplatiti iznos od 1.000.000,00 KM (slovima: jedanmilionkonvertibilnihmaraka), na račun Grada Mostara br. 1610200009950746 kod Raiffaisen Bank vrsta prihoda 733112.
- 7.2. Uplatom iz prethodnog stava Koncesionar je u potpunosti izmirio sve obaveze iz tačke V Pozitivnog mišljenja Gradskog vijeća Grada Mostara br. 01-02-11/07 od 15.02.2007. i po tom osnovu više nema nikakvih obaveza.

#### **Član 8.**

- 8.1. Koncesionar je dužan pridržavati se uslova i realizovati obaveze iz okolinske dozvole izdate za predmetni Projekat izgradnje vjetroagregata na platou Podveležja.
- 8.2. Nađene predmete u okviru eksploatacijskoga polja, koji predstavljaju historijske, kulturne ili prirodne vrijednosti Koncesionar je dužan bez naknade predati Koncesoru.
- 8.3. Ako bi dalje izvođenje radova moglo ugroziti cjelinu odnosno vrijednost nađenog predmeta, Koncesionar je dužan obustaviti radove i o tome odmah pismeno obavijestiti organ nadležan za poslove zaštite historijskih, kulturnih i prirodnih vrijednosti i tražiti od istoga očitovanje po pitanju utvrđivanja potrebe za obustavom radova.
- 8.4. U slučaju da nadležni organ utvrdi potrebu za obustavom radova zbog razloga navedenih u prethodnom stavu, Koncesionar je dužan, u naredna 3 (tri) dana, pismeno obavijestiti organ nadležan za nadzor nad provođenjem Ugovora o obustavi radova i uz taj dopis priložiti i kopiju obavještenja upućenog nadležnom organu iz prethodnog stava.
- 8.5. Za vrijeme obustave radova zbog razloga navedenih u stavu 4. ovog člana,

miruju sva prava i obveze ugovornih strana, počevši s danom kad je organ za nadzor primio obavještenje, a najviše 90 dana.

- 8.6. Ukoliko se unutar roka iz prethodnog stava riješi pitanje nastavka radova, Koncesionar je organu nadležnom za nadzor, dužan dostaviti pisano dopuštenje nastavka radova nadležnog organa iz stava 4. ovog člana. Prava i obaveze nastavljaju teći od dana kada je Koncesionar zaprimio dopuštenje za nastavak radova.
- 8.7. Ukoliko se radovi ne nastave u roku iz stava 6. ovoga člana, stranke će pristupiti izradi Aneksa Ugovora sa ciljem pronalaženja adekvatnog rješenja koje bi omogućilo prije svega zaštitu investicije Koncesionara i omogućavanje nastavka realizacije Ugovora.

## **5. ROK TRAJANJA KONCESIJE**

### **Član 9.**

- 9.1. Koncesija se daje na period od trideset (30) godina od dana utvrđenog u članu 10. Ugovora.

### **Član 10.**

- 10.1. Početkom korištenja koncesije smatra se 01. januar naredne kalendarske godine od početka izvođenja građevinskih i drugih radova Faze I Projekta.
- 10.2. O početku izvođenja građevinskih i drugih radova Koncesionar je dužan obavijestiti Koncesora u roku od 15 dana od dana početka izvođenja tih radova.
- 10.3. Obavještenje o početku korištenja koncesije, Ministarstvo privrede HNK će dostaviti organu za nadzor finansijskih prava i obaveza iz Ugovora u roku od osam dana od dana prijema Obavještenja.

### **Član 11.**

- 11.1. Koncesija prestaje istekom tridesete kalendarske godine od dana početka korištenja koncesije.
- 11.2. Trajanje koncesije može se produžiti u skladu sa Zakonom o koncesijama.

## **6. KONCESIJSKA NAKNADA**

### **Član 12.**

- 12.1. Iznos jednokratne naknade za koncesiju u visini od 10.000,00 KM (slovima:desethiljadakonvertibilnihmaraka) Koncesionar se obavezuje uplatiti u roku od 10 dana od dana stupanja na snagu Ugovora.
- 12.2. Koncesijsku naknadu iz stava 1. ovog člana, Koncesionar se obavezuje uplatiti na način da će iznos od 55 % visine naknade uplatiti u korist računa Budžeta Grada Mostara kod Raiffeisen Bank br. 1610200009950746, šifra općine 180, vrsta

prihoda 721112, a iznos od 45% visine naknade uplatiti će u korist računa Budžeta HNK kod Uni Credit banke br. 3380002200005953, vrsta prihoda 721112, šifra općine 180, budžetska organizacija 3601001.

### **Član 13.**

- 13.1. Tekuća koncesijska naknada za zemljište iznosi 2.700,00 KM (slovima:dvijehiljadestamstotina konvertibilnih maraka) godišnje po jednoj lokaciji za jedan vjetroagregat.
- 13.2. Obaveza plaćanja naknade iz predhodnog stava počinje teći 01. januara naredne godine nakon početka korištenja koncesije u smislu člana 10. Ugovora i uvećava se svake godine za indeksaciju od 2 %.
- 13.3. Naknada iz stava 1. ovog člana se obračunava i plaća u punom iznosu, za svih 16 turbina, jedan put godišnje unaprijed za narednu godinu.
- 13.4. Koncesionar se obavezuje uplaćivati koncesijsku naknadu iz stava 1. ovog člana, u jednom obroku, za svaku godinu unaprijed, a najkasnije do 31.12., i to u iznosu od 55% visine naknade u korist računa Budžeta Grada Mostara kod Raiffeisen Bank br. 1610200009950746, šifra općine 180, vrsta prihoda 721112 i 45% u korist računa Budžeta HNK kod Uni Credit banke br. 3380002200005953, vrsta prihoda 721112, šifra općine 180, Budžetska organizacija 3601001.

### **Član 14.**

- 14.1. Tekuća koncesijska naknada za proizvedenu električnu energiju iznosi 2,5% od ukupne vrijednosti proizvedene električne energije obračunate na osnovu otkupne cijene za obnovljive izvore propisane od strane Vlade F BiH, odnosno regulatora FERK.
- 14.2. Koncesionar za svaku obračunsku godinu trajanja koncesije, do 15.03. tekuće obračunske godine, utvrđuje godišnji plan proizvodnje električne energije.
- 14.3. Ukoliko Koncesionar proizvede manje od 20% od planirane godišnje proizvodnje električne energije, onda osnovica za obračun minimalnog iznosa naknade iz stava 1. ovog člana ne može biti niža od 20% od planirane proizvodnje.
- 14.4. Kontrola i mjerenje ukupno proizvedene energije vršiti će se na isteku kalendarske godine (najkasnije do 25. 12. tekuće godine) i služiti će kao konačni obračun i korekcija izvršenih tekućih obaveza.
- 14.5. Naknada iz stava 1. ovog člana počinje teći istekom kalendarske godine u kojoj je zvanično završena Faza I Projekta, a uplaćivati će se polugodišnje i to u iznosu od 55% visine naknade u korist računa Budžeta Grada Mostara kod Raiffeisen Bank br. 1610200009950746, šifra općine 180, vrsta prihoda 721112 i 45% u korist računa Budžeta HNK kod Uni Credit banke br. 3380002200005953, vrsta prihoda 721112, šifra općine 180, budžetska organizacija 3601001.

- 14.6. Garancija plaćanja naknade iz stava 1. ovog člana je bianco mjenica, koja bi glasila za tekuću godinu u visini planiranog iznosa za tu godinu uvećan za 10%, uz obavezu Koncesionara da istu produži za sljedeću godinu i tako sve do kraja trajanja koncesionog odnosa.  
Garancija se izdaje najkasnije do 1. januara tekuće godine.

#### **Član 15.**

- 15.1. Ako Koncesionar zakasni sa ispunjenjem obaveze plaćanja koncesijskih naknada zaračunavaju mu se zatezne kamate u skladu sa važećim propisima.

#### **Član 16.**

- 16.1. Iznos koncesijske naknade neće se smanjivati za vrijeme trajanja Ugovora.

### **7. PRESTANAK KONCESIJSKOG ODNOSA**

#### **Član 17.**

- 17.1. Koncesijski odnos prestaje:

- istekom roka koji je određen Ugovorom,
- otvaranjem stečajnog postupka nad Koncesionarom,
- prestankom postojanja predmeta koncesije;
- raskidom Ugovora o koncesiji,
- oduzimanjem koncesije u slučaju da Koncesionar ne obavlja koncesijsku djelatnost duže od godinu dana neprekidno;
- oduzimanjem koncesije iz drugih razloga prema Zakonu o koncesijama.

#### **Član 18.**

- 18.1. Koncesijski odnos, osim u slučaju raskida Ugovora, prestaje danom donošenja Odluke o prestanku koncesijskog odnosa.

#### **Član 19.**

- 19.1. Kada nastupi jedan od razloga prestanka koncesijskog odnosa, iz člana 17.1. alineje 1., 2. i 3., organ nadležan za nadzor nad provođenjem Ugovora podnosi prijedlog Koncesoru za donošenje Odluke o prestanku koncesijskog odnosa.

#### **Član 20.**

- 20.1. U slučaju prestanka koncesijskog odnosa iz bilo kojeg razloga, Koncesor i Koncesionar su saglasni da sve novčane obaveze koje su izvršene neće biti predmet povrata.
- 20.2. U slučaju prestanka koncesijskog odnosa iz bilo kojeg razloga, Koncesionar je dužan izmiriti koncesijsku naknadu za korištenje zemljišta za tekuću godinu kao i nakanadu iz člana 14. ovog Ugovora, a zaključno sa tekućim polugodištem, u kojem je koristio predmet koncesije bez obzira na broj dana korištenja, u roku od 30 dana od dana donošenja Odluke o prestanku koncesije, odnosno rješenja o



oduzimanju koncesije, odnosno dana raskida Ugovora.

## **8. RASKID KONCESIJSKOG UGOVORA**

### **Član 21.**

21.1. Ovaj koncesijski Ugovor se raskida:

- ako je Koncesionar nesolventan ili bankrotira;
- ako Koncesionar ne ispunjava obaveze iz Ugovora u ugovorenim rokovima;
- ako je pravomoćnom sudskom presudom Koncesionaru zabranjeno obavljanje djelatnosti koja je predmet koncesije;
- ako Koncesionar nije u roku započeo, odnosno završio radove koje je trebao izvesti prema Ugovoru;
- ako Koncesionar samovoljno mijenja uslove pod kojima je dodijeljena koncesija;
- ako Koncesionar ne plati dospjelu koncesijsku naknadu ni u roku od 30 dana od dana prijema pismene opomene od strane organa nadležnog za nadzor nad provođenjem Ugovora;
- ako koncesionar tri godine za redom proizvede na godišnjem nivou manje od 20% od Planirane godišnje proizvodnje električne energije;
- ako se vršenjem koncesijske djelatnosti dovodi u opasnost životna sredina ili zakonom zaštićena područja i objekti, koja se u vrijeme davanja koncesije nije mogla predvidjeti;
- u slučaju nemogućnosti obavljanja djelatnosti zbog znatnijeg oštećenja predmeta koncesije;
- u slučaju nesavjesnog rada Koncesionara i zloupotrebe prava iz koncesijskog odnosa.

21.2. Smatrat će se da je Koncesionar otpočeo odnosno završio radove u ugovorenim rokovima ukoliko je ispoštovao i naknadno ostavljeni rok za gradnju utvrđen nakon što je Koncesor odobrio i naknadno produženje roka.

### **Član 22.**

22.1. Ugovorne strane Ugovor mogu sporazumno raskinuti i koncesijski odnos prestaje danom sporazuma o raskidu Ugovora.

### **Član 23.**

23.1. Kod raskida Ugovora Koncesionar je dužan o vlastitom trošku izvršiti nužne radove koje mu naloži Koncesor.

23.2. Koncesionar je dužan, nakon isteka roka na koji je koncesija zaključena, ili u slučaju raskida Ugovora, napustiti koncesiono područje.

## **9. PRENOS KONCESIJE**

### **Član 24.**

24.1. Koncesionar može dobijenu koncesiju i pripadajući Ugovor prenijeti na drugu pravnu osobu, o čemu Koncesionar i pravna osoba na koju se prenosi koncesija zaključuju poseban ugovor, na koji saglasnot daje Koncesor.

24.2. Ugovor o prenosu koncesije zaključen bez saglasnosti Koncesora ništav je.

## **10. VIŠA SILA**

### **Član 25.**

25.1. Pod višom silom smatrat će se rat, sukobi slični ratu, oružane borbe, nemiri, opsada, neprohodni transportni putevi, štrajk, elementarne nepogode, prirodni procesi i drugi događaji objektivno izvan kontrole ugovornih strana, a koji ih spriječavaju da izvršavaju obaveze i/ili ostvaruju prava iz Ugovora.

### **Član 26.**

26.1. Strana koja se poziva na višu silu dužna je o tome izvjestiti drugu stranu pismeno, najkasnije u roku od 10 dana od dana nastanka, odnosno prestanka više sile.

### **Član 27.**

27.1. U slučaju nastanka više sile, koncesijska prava i obveze miruju od dana dostavljanja obavještenja iz prethodnog člana do dana prestanka više sile.

27.2. Ugovor prestaje zbog nastupanja posljedica više sile samo i isključivo ako tako sporazumno odluče ugovorne strane.

## **11. NAČIN MEĐUSOBNOG IZVJEŠTAVANJA**

### **Član 28.**

28.1. O svim pitanjima vezanim za izvršenje Ugovora ugovorne će se strane pismeno izvještavati.

### **Član 29.**

29.1. Koncesionar je dužan bez nepotrebnog odgađanja obavještavati Koncesora o svakoj pogrešci ili nedostatku u izvršavanju Ugovora, o svakoj situaciji koja prijeti i/ili ugrožava izvršavanju Ugovora, te o drugim situacijama u skladu sa Ugovorom i relevantnim pozitivnim propisima.

29.2. Koncesor se ovim obavezuje da će, u okviru ovlaštenja datih mu zakonom, obezbijediti svu podršku Koncesionaru koja je potrebna za implementaciju Ugovora.

## **12. NADZOR NAD PROVOĐENJEM ODREDABA UGOVORA**

### **Član 30.**

30.1. Nadzor nad provođenjem Ugovora provodi Ministarstvo privrede HNK-a.

30.2. Rukovodilac tijela iz stava 1. ovog člana može ovlastiti osobu za vršenje nadzora nad provođenjem Ugovora.

- 30.3. Nadzor nad ispunjenjem finansijskih prava i obaveza iz Ugovora obavlja Ministarstvo finansija HNK u segmentu vezanom za finansijske obaveze Koncesionara.

**Član 31.**

- 31.1. Organ ovlašten za vršenje nadzora iz člana 30. dužan je predložiti Koncesoru donošenje Odluke o prestanku koncesijskoga odnosa i poduzimanju drugih odgovarajućih mjera u skladu sa Ugovorom i relevantnim pozitivnim propisima.

**13. OBNAVLJANJE UGOVORA**

**Član 32.**

- 32.1. Ugovor o koncesiji se može obnoviti u skladu sa članom 6. Zakona o koncesijama («Službene novine HNK», broj:2/2003), s tim da Koncesionar zahtjev za obnovu Ugovora može staviti najranije 5 godina prije isteka ugovorenog roka trajanja koncesije, o kojem zahtjevu nadležni organ odlučuje najkasnije u roku od 12 mjeseci od dana podnošenja istog.
- 32.2. O obnovi Ugovora odlučuje Koncesor na prijedlog Ministarstva privrede HNK, najkasnije u roku od 12 mjeseci od dana podnošenja prijedloga.

**14. RJEŠAVANJE SPOROVA**

**Član 33.**

- 33.1. Za slučaj da za vrijeme trajanja važenja Ugovora dođe do spora između ugovornih strana, a vezano za provođenje i/ili tumačenje odredaba Ugovora, ugovorne strane su saglasne da će sve eventualne sporove riješiti sporazumno putem svojih ovlaštenih predstavnika.
- 33.2. Ako se eventualni sporovi ne mogu riješiti u skladu sa prethodnim stavom, za rješavanje sporova nadležan je Općinski sud u Mostaru.

**15. SASTAVNI DIO UGOVORA**

**Član 34.**

- 34.1. Sastavni dio Ugovora su:  
**Prilog br.1**  
Termin plan realizacije projekta (aktuelizirani)  
**Prilog br.2**  
Studija ekonomske opravdanosti Projekta

**16. ZAVRŠNE ODREDBE**

**Član 35.**

- 35.1. Ugovor se sklapa u 8 (osam) istovjetnih primjeraka od kojih dva primjerka zadržava Koncesor a jedan primjerak Koncesionar.

- 35.2. Po jedan primjerak Ugovora Ministarstvo privrede HNK dostaviti će: Ministarstvu finansija HNK, Općinskom sudu u Mostaru, Ministarstvu energije, rudarstva i industrije u Vladi FBiH, nadležnoj inspekciji i Gradu Mostaru u roku od 8 dana od dana njegovog zaključivanja.

**Član 36.**

- 36.1. Na sve odnose koji nisu uređeni Ugovorom direktno se primjenjuju relevantni pozitivni propisi.

**Član 37.**

- 37.1. Strane u Ugovoru zadržavaju pravo aneksom Ugovora izmijeniti ili dopuniti Ugovor.

**Član 38.**

- 38.1. Ugovor stupa na snagu danom potpisivanja obiju ugovornih strana.

**KONCESIONAR:**

JP ELEKTROPRIVREDA  
BOSNE I HERCEGOVINE  
d.d. -SARAJEVO

Generalni Direktor:

**Amer Jerlagić**

v.d. Izvršni direktor  
za ekonomske poslove:

**Muhamed Ražanica**

**KONCESOR:**

VLADA  
HERCEGOVAČKO - NERETVANSKOG  
KANTONA

MINISTAR

**Esad Humo**

Broj: \_\_\_\_\_

Broj: \_\_\_\_\_